

影刊宋金元明本詞

第十七冊

蘇子瞻
如夢令
PDG

稼軒詞丙集目錄

六州歌頭 二

滿江紅 二

永遇樂

蘭陵王

驀山溪 二

滿庭芳 二

最高樓 二

江神子

木蘭花慢 三

聲聲慢

八聲甘州

水調歌頭 四

水龍吟

賀新郎 四

沁園春 三

哨遍 二

念奴嬌 二

感皇恩 三

南鄉子

小重山

婆羅門引

三

行香子

三

粉蝶兒

錦帳春

夜遊宮

浪淘沙

唐河傳

西江月

二

醜奴兒

破陣子

二

定風波

二

踏莎行

漢宮春

歸朝歡

玉蝴蝶

雨中花慢

臨江仙

二

玉樓春

南歌子

品令

武陵春

鷓鴣天
十

浣溪沙
十

新荷葉

生查子
二

昭君怨

烏夜啼

朝中措
二

河瀆神

太常引

清平樂
三

菩薩蠻
六

柳稍青

稼軒詞丙集目錄

稼軒詞丙集

濟南辛棄疾 幼安

六州歌頭

西湖萬頃樓觀矗千門春風路紅堆錦翠連雲
俯層軒風月都無際蕩空藹開絕境雲夢澤饒
八九不須吞翡翠明璫爭上金堤去勃窣嬾
看賢王高會飛蓋入雲烟白鷺振振鼓咽咽
記風流遠更休作嬉遊地等閑看君不見韓獻
子晉將軍趙孤存千載傳忠獻兩定策紀元勳
孫又子方談笑整乾坤直使長江如帶依前是

趙須韓伴皇家快樂長在玉津邊只在南園

又

屬得疾暴甚醫者莫曉其狀小愈困
卧無聊戲作以自釋

晨來問疾有鶴止庭隅吾語汝只三事太愁予
病難扶手種青松樹礙梅塢妨花逕纔數尺如
人立却須鋤其一秋水堂前曲沼明於鏡可燭
眉鬚被山頭急雨耕壟灌泥塗誰使吾廬映汙
渠其二嘆青山好簷外竹遮欲盡有還無刪
竹去吾乍可食無魚愛扶疎又欲爲山計千百

慮累吾軀其三凡病此吾過矣子奚如口不能
言臆對雖扁鵲藥石難除有要言妙道往問北
山愚庶有瘳乎事見七發

滿江紅

盧憲移漕建寧陳端仁給事同諸公
餞別余爲酒困卧青涂堂上三鼓方
醒盧賦詞留別席上和韻青涂端仁
堂名也

宿酒醒時笑只有清愁而已人正在青涂堂上
月華如洗紙帳梅花歸夢覺蓴羹鱸膾秋風起

問人生得意幾何時吾歸矣 君若問相思事
料長在歌聲裏這情懷只是中年如此明月何
妨千里隔顧君與我何如耳向尊前重約幾時
來江山美

又

山居即事

幾箇輕鷗來點破一泓澄綠更何處一雙鷗
故來爭浴細讀離騷還痛飲飽看脩竹何妨肉
有飛泉日日供明珠三千斛 春雨滿秧新穀
開日永眠黃犢看雲連麥壟雪堆蠶簇若要足

時今足矣以爲未足何時足被野老相扶入東園枇杷熟

永遇樂

檢校停雲新種杉松戲作時欲作親舊報書紙筆偶爲大風吹去末章及之

投老空山萬松手種政爾堪嘆何日成陰吾年有幾似見兒孫晚古來池館雲烟草棘長使後人悽斷想當年良辰已恨夜闌酒空人散 停雲高處誰知老子萬事不關心眼夢覺東窓聊

復爾耳起欲題書簡霎時風怒倒翻筆硯天也
只教吾懶又何事催詩雨急片雲斗暗

蘭陵王

賦一丘一壑

一丘壑老子風流占却茅簷上松月桂雲脉脉
石泉逗山脚尋思前事錯惱殺晨猿夜鶴終須
是鄧禹輩人錦繡麻霞坐黃閣長歌自深酌
看天濶鳶飛淵靜魚躍西風黃菊薌噴薄悵日
暮雲合佳人何處紉蘭結佩帶杜若入江海曾
約遇合事難託莫擊磬門前荷蕢人過仰天

大笑冠簪落待說與窮達不須疑著古來賢者
進亦樂退亦樂

驀山溪

昌父賦一丘一壑格律高古因效其
體

飯蔬飲水客莫嘲吾拙高處看浮雲一丘壑中
間甚樂功名妙手壯也不如人今老矣尚何堪
堪釣前溪月 病來止酒辜負鷗鷺杓歲晚念
平生待都與鄰翁細說人間萬事先覺者賢乎
深雪裏一枝開春事梅先覺

又

停雲竹徑初成

小橋流水欲下前溪去喚取故人來伴先生風
烟杖屨行穿窈窕時歷小崎嶇斜帶水半遮山
翠竹栽成路一尊遐想剩有淵明趣山上有
停雲看山下濛濛細雨野花啼鳥不肯入詩來
還一似笑翁詩句沒安排處

滿庭芳

和洪景伯丞相韻

傾國無媒入宮見妬古來顰損蛾眉看公如月

光彩衆星稀袖手高山流水聽羣蛙鼓吹荒池
文章手直須補袞藻火粲宗彝癡兒公事了
吳蠶纏繞自吐餘絲幸一枝粗穩三徑新治且
約湖邊風月功名事欲使誰知都休問英雄千
古荒草沒殘碑

又

和昌父

西崦斜陽東江流水物華不爲人留錚然一葉
天下已知秋屈指人間得意問誰是騎鶴揚州
君知我從來雅意未老已滄洲無窮身外事

百年能幾一醉都休恨兒曹抵死謂我心憂況
有溪山杖屨阮籍輩須我來遊還堪笑機心早
覺海上有驚鷗

最高樓

客有敗棋者代賦梅

花知否花一似何郎又似沈東陽瘦稜稜地天
然白冷清清地許多香笑東君還又向北枝忙
著一陣霎時間底雪更一箇缺些兒底月山
下路水邊牆風流怕有人知處影兒守定竹旁
廂且饒他桃李趁少年場

又

聞周氏旌表有期

君聽取尺布尚堪縫斗粟也堪春人間朋友猶
能合古來兄弟不相容棣華詩悲二叔弔周公
長嘆息脊令原上急重歎息豆萁煎正泣形
則異氣應同周家五世將軍後前江千載義居
風看明朝丹鳳詔紫泥封

江神子

送元濟之歸豫章

亂雲擾擾水潺潺笑溪山幾時閑更覺桃源人

去隔仙凡萬壑千岩樓外雪璫作樹玉爲欄
倦遊回首且加餐短篷寒畫圖間見說嬌嬾擁
髻待君看二月東湖湖上路官柳嫩野梅殘

木蘭花慢

題廣文克明菊隱

路傍人恠問此隱者姓陶不甚黃菊如雲朝吟
暮醉喚不回頭縱無酒成悵望只東籬搔首亦
風流與客朝餐一笑落英飽便歸休 古來堯
舜有巢由江海去悠悠待說與佳人種成香草
莫怨靈脩我無可無不可意先生出處有如丘